

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 14. stav (6) Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14), tačke II. Odluke Vlade Zeničko-dobojskog kantona o određivanju Ministarstva za privredu Zeničko-dobojskog kantona, kao nadležnog kantonalnog organa za pripremu Programa javnih investicija kantona („Službene novine Zeničko-dobojskog kantona“, broj: 5/15 i 11/16), Vlada Zeničko-dobojskog kantona na 152. sjednici, održanoj dana 20.07.2018. godine, d o n o s i

ZAKLJUČAK

I.

Prima se na znanje Izvještaj o radu Komisije za Program javnih investicija Zeničko-dobojskog kantona, za period januar-juni 2018. godine, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/18.

Datum, 20.07.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu,

1x Komisija za Program javnih investicija, putem ministarstva,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KOMISIJA ZA PROGRAM JAVNIH
INVESTICIJA ZENIČKO-DOBOJSKOG KANTONA**

**IZVJEŠTAJ
O RADU KOMISIJE
ZA PROGRAM JAVNIH INVESTICIJA
ZENIČKO-DOBOJSKOG KANTONA
ZA PERIOD JANUAR – JUNI 2018. GODINE**

Zenica, juni 2018. godine

Komisija za Program javnih investicija Zeničko-dobojskog kantona imenovana je Rješenjem Vlade Zeničko-dobojskog kantona o imenovanju Komisije za program javnih investicija Zeničko-dobojskog kantona ("Službene novine Zeničko-dobojskog kantona", broj 9/15) godine, u sastavu:

1. Nada Delibašić, predsjednik Komisije,
2. Ljiljana Anđelić, zamjenik predsjednika,
3. Rasim Kovač, član,
4. Senada Dizdar, član,
5. Željko Bodul, član,
6. Ankica Radić, član,
7. Đenana Čolaković, član,
8. Amra Babić, član,
9. Ismar Alagić, član, i
10. Adis Čehić, sekretar Komisije.

Odredbama Zakona o budžetima u Federaciji BiH ("Službene novine Federacije BiH", broj: 102/13, 9/14, 13/14, 8/15, 91/15, 104/16 i 5/18), propisana je obaveza izrade i donošenja Programa javnih investicija u FBiH, pri čemu je propisano da kantoni donose svoj Program javnih investicija u koji su uključeni i projekti općina i gradova.

Program javnih investicija je trogodišnji dokument koji sadrži pregled ulaganja u projekte sa podacima o ukupno potrebnim i utrošenim sredstvima, te sredstvima planiranim za finansiranje projekata iz budžeta, kredita, donacija i/ili drugih izvora.

Program sadrži podatke o projektima po sektorima i podnosiocima prijedloga projekata, u trogodišnjem periodu prema principu 1+2.

Program obuhvata:

- projekte u implementaciji za čiju su realizaciju osigurani izvori finansiranja ili je izvjesno da će biti osigurana sredstva za njihovo finansiranje (u daljem tekstu: projekti u implementaciji) i
- prioritetne projekte za koje nisu osigurani izvori finansiranja u momentu izrade programa javnih investicija (u daljem tekstu: kandidovani projekti).

Svrha donošenja Programa javnih investicija Zeničko-dobojskog kantona (u daljem tekstu: PJI Zeničko-dobojskog kantona) je da posluži Vladi Zeničko-dobojskog kantona kao osnov za bolje planiranje i upravljanje sredstvima razvoja.

Dugoročni cilj je povezivanje PJI Zeničko-dobojskog kantona sa procesom strateškog planiranja i budžetiranja.

Projekti uključeni u PJI stavljaju se u funkciju ostvarivanja sektorskih politika i strateških ciljeva definisanih u okviru nadležnosti Vlade Zeničko-dobojskog kantona planiranjem kroz proces izrade Dokumenta okvirnog budžeta, te mobilizacijom i korištenjem sredstava za njihovu realizaciju.

Obzirom da raspoloživa sredstva nisu uvijek dovoljna za višegodišnje finansiranje projekata, PJI Zeničko-dobojskog kantona kao instrument planiranja, pomaže u boljem planiranju i korištenju sredstava, te stvara pretpostavke za pristup stranim izvorima finansiranja.

Kako se PJI Zeničko-dobojskog kantona, pored kandidovanih prioritetnih projekata sastoji i od projekata u implementaciji, PJI Zeničko-dobojskog kantona služi i kao osnova za analizu javnih investicija.

Kao takav PJI Zeničko-dobojskog kantona, za Vladu Zeničko-dobojskog kantona

treba postati sredstvo za upravljanje razvojem i podizanje efikasnosti javnih investicija u Zeničko-dobojskom kantonu, te osnova za planiranje ulaganja i donošenja investicionih odluka.

U članu 30. Zakona o budžetima u Federaciji BiH je precizno definisan kalendar prema kojem se priprema i donosi Program javnih investicija, u skladu sa kojim kantoni dostavljaju Ministarstvu finansija FBiH Nacrt svog Programa javnih investicija do 1. juna, a Program javnih investicija, nakon što ga donese Vlada Kantona do 5. oktobra.

Na osnovu Zakona o budžetima u Federaciji BiH, donesena je Uredba o načinu i kriterijima za pripremu, izradu i praćenje realizacije Programa javnih investicija („Službene novine FBiH“, broj: 106/14), kojom se preciznije uređuju način i kriteriji za pripremu, izradu i praćenje realizacije Programa javnih investicija i kojom je uveden pojam PIMIS (informacioni sistem za upravljanje javnim investicijama uvezan između različitih nivoa vlasti).

Uredbom je propisano da Vlada Kantona određuje Nadležni kantonalni organ, a da je Kanton obavezan osigurati tehničke preduslove najmanje na jednoj lokaciji za on-line pristup PIMIS-u i iz reda zaposlenika imenovati kantonalnog koordinатора ovlaštenog za unos podataka o kantonalnim, gradskim i općinskim projektima u PIMIS.

Vlada Zeničko-dobojskog kantona je Odlukom o izmjenama Odluke Vlade Zeničko-dobojskog kantona, broj: 02-14-13463/15 od 25.06.2015. godine („Službene novine Zeničko-dobojskog kantona“, broj 11/16), odredila Ministarstvo za privredu kao Nadležni kantonalni organ za pripremu Programa javnih investicija kantona, u koji su uključeni projekti gradova i općina.

Vlada Zeničko-dobojskog kantona je na prijedlog Stručne službe Vlade, donijela Rješenje kojim se imenuje Hidajet Keleštura, za kantonalnog koordinatora, koji se ovlašćuje za unos podataka putem elektronskog IP obrasca o kantonalnim, gradskim i općinskim projektima u PIMIS („Službene novine Zeničko-dobojskog kantona“, broj: 5/15).

U skladu sa tačkom 1. Rješenja Vlade i članom 7., tačka (5), te članom 10., tačka (1) Uredbe o načinu i kriterijima za pripremu, izradu i praćenje realizacije programa javnih investicija, propisano je da podatke o investicionim projektima u PIMIS unosi kantonalni koordinatore ovlašten za unos IP obrazaca, za šta kantonalni koordinatore posjeduje odgovarajuće pristupne podatke i autorizacije.

Nakon unosa, isti se štampaju i u skladu sa ovlaštenjem kantonalnog koordinatora vraćaju podnosiocima na verifikaciju, te uz IP obrazac Kantonalni koordinatore Nadležnom kantonalnom organu dostavlja i Obrazac za ocjenu prijedloga projekta.

Naime, Program javnih investicija se priprema i donosi svake godine prema kalendaru utvrđenom Zakonom i Uredbom, tj. do 1. juna je potrebno da Kanton, putem Nadležnog kantonalnog organa (Ministarstvo za privredu ZDK), Ministarstvu finansija FBiH dostavi nacrt Programa javnih investicija.

Nadležni kantonalni organ (Ministarstvo za privredu) je prikupilo i kantonalnom koordinatore u aprilu dostavilo 62 projekta na propisanim IP obrascima.

Uredbom o načinu i kriterijima za pripremu, izradu i praćenje realizacije programa javnih investicija, kao nosioci aktivnosti u procesu izrade programa javnih investicija kantona utvrđeni su: Vlada Kantona, nadležni kantonalni organ, Komisija za PJI kantona, kantonalni organi uprave (kantonalna ministarstva i kantonalne uprave), jedinice lokalne samouprave (grad i općine), agencije, samostalne upravne organizacije, specijalizirane organizacije i posebna tijela (zavodi, direkcije, agencije, instituti i sl.) i javna preduzeća.

Da bi projekat bio kandidovan u Program javnih investicija (PJI), uz kriterij kvalitete mora se zadovoljiti i kriterij minimalne vrijednosti.

Minimalna ukupna vrijednost projekta koji se kandiduje u PJI Federacije je 1.000.000

KM.

Ukupna vrijednost projekta definiranog na kantonalnom nivou koji se kandiduje u PJI kantona mora iznositi najmanje 500.000 KM, dok minimalna ukupna vrijednost projekta definiranog na gradskom ili općinskom nivou koji se kandiduje u PJI kantona iznosi 100.000 KM.

Budžetskim sredstvima ili zaduživanjem može se finansirati samo onaj projekt koji je uvršten u PJI uz izuzetak projekata koji služe ublažavanju posljedica izazvanih nastankom vanrednih i nepredvidivih događaja (elementarne nepogode, vanjski šokovi ili krize).

Uvrštavanje pojedinih projekata u Program javnih investicija Zeničko-dobojskog kantona ne predstavlja garanciju i za dodjelu sredstava iz Budžeta Zeničko-dobojskog kantona.

Svi potpuni projektni prijedlozi koji zadovoljavaju minimalne kvalifikacijske kriterije prolaze postupak bodovanja i rangiranja koje vrši Komisija i uključuju se u PJI Zeničko-dobojskog kantona.

Dana 23.01.2018. godine Ministarstvo za privredu ZDK, kao nadležni kantonalni organ, je svim organima uprave, upravnim organizacijama i službama ZDK, kao i jedinicama lokalne samouprave na području ZDK uputilo zahtjev za dostavu podataka o investicijskim projektima koje je potrebno dostaviti putem IP obrazaca, a u cilju pripreme za izradu Programa javnih investicija 2019.-2021. godine, kako bi u sistemu PIMIS biti izvršeno ažuriranje podataka o projektima sa 31.12.2017. godine, te ažuriranje podataka i promjena statusa za projekte koji su završeni u 2017. godini.

U izvještajnom periodu Komisija za Program javnih investicija Zeničko-dobojskog kantona provodila je niz aktivnosti na pripremi razvojnih politika i Programa javnih investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija.

Održano je nekoliko radno-konsultativnih sastanaka i sjednica Komisije, te se održavala redovna komunikacija sa izvjestiocima o implementaciji projekata koji su ušli u raniji Program javnih investicija 2017.-2019. godine i Program javnih investicija 2018.-2020. godine, a koji su, u skladu sa Uredbom, u obavezi da izvještavaju o istim.

Komisija je svoj rad obavljala održavanjem sjednica izvan redovnog radnog vremena.

Za rad sjednica uvijek je postojao kvorum za donošenje odgovarajućih odluka.

Također, putem nadležnog kantonalnog organa ostvarivana je komunikacija sa kantonalnim koordinatorom radi praćenja toka unosa podataka u PIMIS bazu, tako ovjerene i potpisane IP obrasce, prateću dokumentaciju dostavljenu od strane predlagača, kao i izvještaj o unesenim projektima u PIMIS bazu za navedena 62 projekta.

Posljednje ovjerene i potpisane IP obrasce, koji su bili potrebni Komisiji za rad Kantonalni kordinator dostavio je Nadležnom kantonalnom organu 29.05.2018. godine.

Komisija je nakon uvida u dostavljenu dokumentaciju ostvarila komunikaciju i provela konsultacije za svim relevantnim nosiocima aktivnosti, potencijalnim predlagačima projekata za novi Program javnih investicija za 2019.-2021. godine radi davanja određenih pojašnjenja, sa ciljem postupanja u skladu sa Uredbom, a kako bi se omogućilo da ti projekti budu sadržani u novom Programu javnih investicija uzimajući u obzir ključni kriterij kompletiranosti dokumentacije iz člana 12. Uredbe.

Prva sjednica Komisije održana je 15.02.2018. godine u prostorijama Ministarstva finansija Zeničko-dobojskog kantona, sa slijedećim dnevnim redom:

1. Aktuelne aktivnosti na pripremi izrade Programa javnih investicija za period 2019.-2021. godine,
2. Razno.

U diskusiji po prvoj tački dnevnog reda su učestvovali svi prisutni članovi Komisije.

Na samom početku, Predsjednica komisije je informisala ostale članove Komisije da je cilj da se ove godine na vrijeme započnu potrebne aktivnosti na izradi Programa javnih investicija za period 2019.-2021. godine, kako bi Nacrt PJI-a bio završen do juna mjeseca 2018. godine, kako je to i propisano pozitivnim propisima.

Predstavnik Nadležnog kantonalnog organa, zamjenik predsjednika Komisije je informisala prisutne članove o aktivnostima Nadležnog kantonalnog organa - Ministarstva za privredu Zeničko-dobojskog kantona, koje su započele već 23.01.2018. godine slanjem Zahtjeva za dostavu podataka o potencijalnim projektima PJI-a svim kantonalnim i drugim organima, sa rokom za dostavu podataka 28.02.2018. godine.

Kantonalna uprava za inspekcijske poslove i Ministarstvo za boračka pitanja su se izjasnili pismeno da nemaju prijedloga projekata, a Kantonalna bolnica Zenica je dostavila prijedloge projekata, s tim da je ostavljena mogućnost da do isteka roka budu dostavljeni još neki novi prijedlozi projekata.

Predsjednica Komisije je predložila da Nadležni kantonalni organ - Ministarstvo za privredu Zeničko-dobojskog kantona uputi urgenciju svim organima i da se eventualno produži rok za prijem projekata za još 7 dana.

Tokom diskusije o aktuelnostima na pripremi i izradi Programa javnih investicija raspravljalo se o slijedećem:

- o potencijalnim projektima u 2018. godini iz oblasti zdravstva,
- problemu nedovoljno edukovanih osoba koje pripremaju pojedine projekte, koje nisu uvijek dovoljno osposobljene za stručno obavljanje navedenog posla,
- potrebi provjere da li pojedini projekti imaju riješeno pitanje urbanističke i drugih saglasnosti,
- eventualnoj potrebi edukacije aplikanata kao i određivanju prioriteta projekata od strane predlagača s obzirom da je sve manje raspoloživih finansijskih sredstava na raspolaganju za investicijske projekte,
- da je izrada Programa javnih investicija zakonska obaveza, da su odredbe Uredbe o načinu i kriterijima za pripremu, izradu i praćenje realizacije programa javnih investicija i Uputstva za popunjavanje obrasca, dovoljno jasne i da je uz malo više truda moguće popuniti potrebne obrasce za kandidovanje projekata PJI-a,
- da je glavni cilj ocjenjivanja projekata taj da bi projekti mogli formalno postati dio PJI-a, te time ispuniti formalne uvjete za apliciranje za sredstva iz budžeta i međunarodnih izvora finansiranja,
- da je Strategija razvoja Zeničko-dobojskog kantona ključni strateški planski dokument, usklađen sa sektorskim strategijama kao i akcioni planovi za primjenu navedene Strategije. Također, Program javnih investicija je strateško-planski dokument, gdje se prilikom ocjene projekata uzima u obzir usklađenost sa Strategijom razvoja i sektorskim strategijama, s tim da su svi rokovi za njegovu pripremu, kalendar za izradu PJI-a i potrebni obrasci propisani zakonskim i podzakonskim aktima,
- istaknut je problem sa aspekta lokalne zajednice, prije svega kadrovskih, administrativnih i tehničkih kod realizacije pojedinih projekata, posebno u oblasti vodosnadbijevanja, s obzirom da se u većini slučajeva konačna realizacija projekata vezuje za lokalnu zajednicu,
- da će Komisija formalno pravno izvršiti svoj dio posla kad je u pitanju ocjenjivanje i izrada PJI-a, a koliko će tih projekata na kraju uspjeti pronaći izvore finansiranja i zaživjeti u praksi zavisi od drugih faktora,
- o razmatranju mogućih mjera za poboljšanja oblasti javnih investicija.

Predsjednica Komisije, je podsjetila članove Komisije da je već upućen akt prema Federalnom ministarstvu finansija kojim je data podrška za planiranu obuku, odnosno

dodatnu edukaciju podnosiocima prijedloga javnih investicija, u cilju poboljšanja sveukupnog procesa izrade Programa javnih investicija.

Druga sjednica Komisije održana je 23.03.2018. godine u prostorijama Ministarstva finansija Zeničko-dobojskog kantona, sa slijedećim dnevnim redom:

1. Usvajanje Zapisnika sa I sjednice Komisije,
2. Status IP obrazaca za pripremu Programa javnih investicija za period 2019.-2021. godine,
3. Razno.

Nakon kraće diskusije po po prvoj tački dnevnog reda jednoglasno je usvojen Zapisnik sa I sjednice Komisije.

Na samom početku diskusije po drugoj tački dnevnog reda, Predsjednica komisije je upoznala ostale članove Komisije sa preliminarnim Spiskom pristiglih prijedloga projekata u 2018. godini za izradu Programa javnih investicija Zeničko-dobojskog kantona za period 2019. - 2021. godine.

Dostavljena su ukupno 62 prijedloga projekata, čiji su predlagači uglavnom općine sa područja Zeničko-dobojskog kantona, koje je Kantonalni kordinator obavezan unijeti putem elektronskog IP obrasca o kantonalnim, gradskim i općinskim projektima u PIMIS za PJI-a Zeničko-dobojskog kantona za period 2019. - 2021. godine.

Nakon toga, obaveza Kantonalnog kordinatora je bila, u skladu sa članom 9. Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14), da do 10. aprila dostavi Nadležnom kantonalnom organu - Ministarstvu za privredu Zeničko-dobojskog kantona, popunjene i ovjerene IP obrasce za kantonalne projekte čija je ukupna vrijednost veća od 500.000 KM, odnosno za gradske i općinske projekte čija je ukupna vrijednost veća od 100.000 KM.

Uz IP obrazac, Kantonalni kordinator je obavezan Nadležnom kantonalnom organu - Ministarstvu za privredu Zeničko-dobojskog kantona dostaviti i Obrazac za ocjenu prijedloga projekata.

Na osnovu broja bodova koje Komisija za program javnih investicija Zeničko-dobojskog kantona dodjeljuje svakom pojedinom predloženom projektu, Nadležni kantonalni organ - Ministarstvo za privredu Zeničko-dobojskog kantona, utvrđuje rang listu prioriternih projekata kandidovanih za Programa javnih investicija Zeničko-dobojskog kantona za period 2019. - 2021. godine.

Predsjednica komisije, je naglasila da bi bilo potrebno da se ove godine na vrijeme započnu potrebne aktivnosti na izradi Programa javnih investicija za period 2019.-2021. godine, kako bi Nacrt PJI-a za period 2019.-2021. godine, bio završen do juna mjeseca 2018. godine, a kako je to i propisano navedenom Uredbom.

Zamjenica predsjednika Komisije je informisala prisutne članove o aktivnostima Nadležnog kantonalnog organa - Ministarstva za privredu Zeničko-dobojskog kantona u proteklom periodu.

Na kraju rasprave po ovoj tački dnevnog reda, u kojoj su aktivno učestvovali svi prisutni članovi Komisije za Program javnih investicija Zeničko-dobojskog kantona, jednoglasno je zaključeno da je potrebno ažurirati dostavljeni Spisak pristiglih prijedloga projekata u 2018. godini za izradu Programa javnih investicija Zeničko-dobojskog kantona za period 2019. - 2021. godine, te da je potrebno blagovremeno u skladu sa propisanim rokovima od strane Kantonalnog kordinatora za Program javnih investicija Zeničko-dobojskog kantona, izvršiti

unos svih podataka putem elektronskog IP obrasca o kantonalnim, gradskim i općinskim projektima u PIMIS za PJI-a za period 2019.-2021. godine.

Članovi Komisije za Program javnih investicija Zeničko-dobojskog kantona su informisani, da se Kantonalni koordinator za Program javnih investicija Zeničko-dobojskog kantona vratio sa dužeg bolovanja i započeo sa obavljanjem posla unosa podataka putem elektronskog IP obrasca o kantonalnim, gradskim i općinskim projektima u PIMIS za PJI-a.

Treća sjednica Komisije održana je 23.04.2018. godine u prostorijama Ministarstva finansija Zeničko-dobojskog kantona, sa slijedećim dnevnim redom:

1. Usvajanje Zapisnika sa II sjednice Komisije,
2. Pripreme za izradu Nacrta Programa javnih investicija za period 2019.-2021. godine,
3. Razno.

Jednoglasno je usvojen Zapisnik sa II sjednice Komisije.

Na samom početku diskusije po drugoj tački dnevnog reda, Predsjednica komisije je upoznala ostale članove Komisije sa aktom Nadležnog kantonalnog organa - Ministarstva za privredu Zeničko-dobojskog kantona, broj: 04-14-17440-1/16 od 16.04.2018. godine, upućenog Kantonalnom koordinatoru, u kojem se od istog u skladu sa odredbama člana 9. stav (2) Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14), kojim je propisano da „Kantonalni koordinator dostavlja do 10. aprila nadležnom kantonalnom organu popunjene i ovjerene IP obrasce za kantonalne projekte čija je ukupna vrijednost veća od 500.000 KM, odnosno za gradske i općinske projekte čija je ukupna vrijednost veća od 100.000 KM“, traži da postupi u skladu sa članom 9. Uredbe, kako bi se mogao na vrijeme sačiniti Nacrt Programa javnih investicija.

Također, članovi Komisije su upoznati i sa aktom Kantonalnog koordinatora broj: KK-14-17440-1/16 od 18.04.2018. godine, upućenog Nadležnom kantonalnom organu - Ministarstvu za privredu Zeničko-dobojskog kantona.

U navedenom aktu Kantonalni koordinator navodi da je IP obrasce za pripremu Programa javnih investicija za period 2019.-2021. godine zaprimio 22.03.2018. godine, od kada intenzivno radi na procesuiranju istih. Oko 80% dostavljenih IP obrazaca je u manjoj ili većoj mjeri nekompletno, odnosno ne zadovoljavaju sve propisane kriterije za unos u PIMIS bazu. Stoga je prije unošenja informacija sa IP obrasca u PIMIS bazu neophodno obaviti dodatne konsultacije sa podosiocima projekata, te tražiti dostavljanje neophodnih nedostajućih informacija ili potpuno novih obrazaca, a što iziskuje dosta vremena. Svi do tada zaprimljeni IP obrasci (kako oni koji su zaprimljeni od Ministarstva za privredu, tako i oni koji su dobijeni direktno od predlagača projekata), biće obrađeni, unešeni u PIMIS i poslani na potpisivanje i ovjeru do 25.04.2018. godine. Nakon toga obrasce koje predlagači projekata vrate potpisane i ovjerene potrebno je i dodatno procesuirati u PIMIS-u i pripremiti za dostavljanje Nadležnom kantonalnom organu.

Predviđeno je, od strane Kantonalnog koordinatora, da bi se cio proces, ukoliko se ispoštuju prethodne radnje mogao okončati oko polovine maja mjeseca, a da će Kantonalni koordinator od 23.04.2018. godine započeti sa dostavljanjem do sada kompletno obrađenih IP obrazaca Ministarstvu za privredu i nastaviti to raditi sukcesivno odmah po pristizanju većeg broja obrazaca.

Nakon toga rasprava članova komisije se vodila oko svrhe Programa javnih investicija i bodovanja projekata, a išla je u slijedećem pravcu:

- svrha Programa javnih investicija i bodovanja projekata kao podloga za predlažaće projekata da bi nedostajuća sredstva mogu tražiti i putem donacija i stranih fondova,

- da je Program javnih investicija važan instrument koji bi pomogao jedinicama lokalne samouprave da pokušaju na lakši i jednostavniji način iznaći modele finansiranja svojih projekata, iako je to ustvari formalni dokument, kako bi se ispunile obaveze propisane Uredbom o načinu i kriterijima za pripremu, izradu i praćenje realizacije programa javnih investicija,

- donošenja jednoglasnog zaključka da je potrebno, nakon dostavljanja projekata unesenih u PIMIS bazu od strane Kantonalnog koordinатора, izvršiti ocjenjivanje samo potpunih projekata u skladu sa zahtjevima utvrđenim Uredbom, a u cilju blagovremene izrade Nacrta Programa javnih investicija za period 2019.-2021. godine.

Četvrta sjednica Komisije održana je 30.05.2018. godine u prostorijama Ministarstva finansija Zeničko-dobojskog kantona, sa slijedećim dnevnim redom:

1. Usvajanje Zapisnika sa III sjednice Komisije,
2. Analiza i ocjenjivanje projekata u skladu sa Kriterijima i principima za ocjenjivanje projekata kandidovanih za PJI iz Obrasca za ocjenu prijedloga projekta za Pripreme za period 2019.-2021. godine,
3. Razno.

Nakon kraće diskusije po prvoj tački dnevnog reda jednoglasno je usvojen Zapisnik sa III sjednice Komisije.

Na samom početku diskusije po drugoj tački dnevnog reda, Predsjednica komisije je upoznala ostale članove Komisije sa činjenicom da je iz tabelarnih pregleda dostavljenih od strane Kantonalnog koordinatora, vidljivo da samo šest projekata ispunjava sve uvjete utvrđene članom 12. Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14), odnosno da se može pristupiti ocjenjivanju samo šest dostavljenih projekata.

Nakon toga članovi Komisije su pristupili ocjenjivanju projekata.

Komisija je na ovoj sjednici ocjenila ukupno dva projekta, a za četiri projekta je prilikom pregleda dokumentacije, a prije konačnog ocjenjivanja utvrđena potreba da se putem Koordinatora od podnosioca prijedloga projekata traži pojašnjenje dokumentacije u pogledu pripremljenosti projekata, tako da je njihovo ocjenjivanje odloženo za iduću sjednicu Komisije.

Peta sjednica Komisije održana je 12.06.2018. godine u prostorijama Ministarstva finansija Zeničko-dobojskog kantona, sa slijedećim dnevnim redom:

1. Usvajanje Zapisnika sa IV sjednice Komisije,
2. Analiza i ocjenjivanje projekata u skladu sa Kriterijima i principima za ocjenjivanje projekata kandidovanih za PJI iz Obrasca za ocjenu prijedloga projekta za Program javnih investicija za period 2019.-2021. godine,
3. Razno.

Nakon kraće diskusije po prvoj tački dnevnog reda jednoglasno je usvojen Zapisnik sa IV sjednice Komisije.

Komisija je pristupila ocjenjivanju preostala ukupno četiri projekta, uzimajući u obzir da, prema podacima Kantonalnog kordinatora isti ispunjavaju uvjete utvrđene članom 12. Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14) i važnost uvrštavanja pojedinih projekata u Program javnih investicija sa stanovišta mogućnosti obezbjeđenja finansijskih sredstava potrebnih za realizaciju projekta.

Od ukupno 62 projekta dostavljena od strane ovlaštenih predlagača, Komisija za Program javnih investicija Zeničko-dobojskog kantona je u skladu sa Kriterijima i principima za ocjenjivanje, analizirala i ocjenila ukupno 6 projektnih prijedloga koji zadovoljavaju minimalne kvalifikacijske kriterije i za koje je dostavljena relevantna prateća dokumentacija u skladu sa članom 12. Uredbe.

Članom 12. Uredbe propisano je da je za projekat kandidovan u Program javnih investicija za koji je potrebno finansiranje budžetskim sredstvima, zaduživanjem ili izdavanjem garancije Federacije, kantona, grada ili općine, podnosilac prijedloga, uz IP obrazac, obavezan priložiti relevantnu dokumentaciju.

U Nacrt PJI Zeničko-dobojskog kantona za period 2019. - 2021. godinu su uključeni projekti za koje su Ministarstvu za privredu od strane Kantonalnog koordinатора dostavljeni popunjeni propisani IP obrasci i koje je Komisija ocijenila.

Projektni prijedlozi uneseni u PIMIS sistem za koje nije dostavljena relevantna prateća dokumentacija nisu bili predmet ocjenjivanja od strane Komisije.

Ukupna vrijednost svih ocijenjenih projekata je 21.268.547,00KM od čega se 13.768.547,00 KM odnosi na 5 kandidovanih projekata i 7.500.000,00 KM na 1 projekat u implementaciji.

Projekti u implementaciji finansiraju se domaćim i ino sredstvima.

Domaća sredstva su budžetska sredstva namijenjena za finansiranje javnih investicija i sufinansiranje projekata finansiranih iz kredita i donacija, sredstva institucija BiH, Federacije BiH, kantona, gradova, općina, javnih preduzeća, fondova, domaćih banaka i krajnjih korisnika za finansiranje/sufinansiranje projekata.

Ino sredstva su krediti ili donacije međunarodnih finansijskih institucija (Svjetska banka, Međunarodna banka za obnovu i razvoj, Evropska investiciona banka, Evropska banka za obnovu i razvoj, Razvojna banka Vijeća Evrope, Međunarodni fond za poljoprivredni razvoj), Evropske komisije, vlada pojedinih zemalja, te bilateralnih i drugih donatora.

Na osnovu broja bodova koje je dodijelila svakom od projekata Komisija je utvrdila i dostavila Ministarstvu za privredu rang-listu prioritetnih projekata kandidovanih za Nacrt PJI Zeničko-dobojskog kantona za period 2019. - 2021. godinu.

Komisija je dala preporuku nadležnom kantonalnom organu - Ministarstvu za privredu Zeničko-dobojskog kantona uz svoj akt broj: 02-14-18012-4-2/17 od 12.06.2018. godine za uvrštavanje ukupno šest ocijenjenih projekata u Program javnih investicija Zeničko-dobojskog kantona za period 2019.-2021. godine, u skladu sa članom 9. stav (4) i članom 14. stav (3) tačka a) Uredbe o načinu i kriterijima za pripremu, izradu i praćenje realizacije programa javnih investicija („Službene novine Federacije BiH", br: 106/14), tačkom III. Rješenja Vlade Zeničko-dobojskog kantona o imenovanju Komisije za program javnih investicija Zeničko-dobojskog kantona, broj: 02-14-18735/15 od 16.10.2015. godine i članom 7. Poslovnika o radu Komisije za Program javnih investicija Zeničko-dobojskog kantona, broj: 02-14-18012-1/17 od 18.02.2018. godine.

Prilog ovog izvještaja je Prijedlog konačne Rang - liste predloženih investicijskih projekata, te preporuka za uvrštavanje ocijenjenih projekata u Nacrt Programa javnih investicija Zeničko-dobojskog kantona za period 2019.-2021. godine.

Nada Delibašić, predsjednik	_____
Ljiljana Anđelić, zamjenik predsjednika	_____
Kovač Rasim, član	_____
Senada Dizdar, član	_____
Željko Bodul, član	_____
Ankica Radić, član	_____
Đenana Čolaković, član	_____
Amra Babić, član	_____
Ismar Alagić, član	_____
Adis Čehić, sekretar	_____